

瓿

甄

洞

續

稿

龍甄洞續草詩部卷之九

武昌 吳國倫 著

橋李 馮夢禎 校

七言律詩

聞敬美再起督學閩中遙寄此詩

投傳歸來日著書墻東時復避安車
那知聖主偏求舊不遣儒臣久索居
使節三山開氣象人文一代老璠璣
白頭絳帳談經處不少生徒賦子虛

曾司理過訪

避暑巖扃晝不開滄浪魚鳥漫相猜
俄聞鼓吹城中

過却向蓬蒿徑裏來脫帽微風驚語咲據牀明月待
徘徊只今臺省應虛席誰道郎君治郡才

七夕無月有懷行甫仲美

七夕山城暑未收湖頭風色乍迎秋亭前寂寂看花
盡河漢陰陰倚樹流待月千家懸乞巧懷人一水劇
含愁薰葭歷亂滄浪浦那得招尋一繫舟

立秋日苦熱

長日無營散髮眠那知物候已推遷攬衣欲試新秋
節揮汗仍題大暑篇不見商飈梧葉動只驚流火草
堂懸千家爽首窺雲漢何得分沾玉井泉

山中聞魏太僕舜卿復起志喜一首

抗疏先朝衆所稱由來出處繫中興
懸輿未穩東山卧奉詔還趨上苑徵
千里關途神駿躍九淵雷雨伏龍騰
乾坤總藉儒臣力肯負清朝任股肱

聞大司寇潘公以人言罷歸有感賦寄二首

獨抗危言動紫宸漢家功罪屬甘陳
群工奮臂同匡主何物含沙獨向人
亦識子房終辟穀未應張翰蚤思尊
昆山竹杖苔溪楫卻有漁樵可更親

其二

入夜深山夢屢驚故人消息總難平
憂來敢避天

王譴事去翻成孺子名華髮自憎歸第晚赤心今復
向誰鳴稍聞有客持清議未必君恩負老成

送士兒應試

年來抗志策華津恰遇掄才是近臣千里未遲燕市
足連城應比趙人珍蘭臺賦就雲偏彩桂殿香飄月
正新老病山中無一事但看雛鳳起秋旻

則勸還自京移舟出富口訪之席間賦

羸馬遄迴出薊門蓬居寂寞負江村相過未解風塵
色款語重開濁酒尊坐卧青氈仍故物師儒白首自
新恩起看戶外千峰月多少秋光一水吞

入。陳明府以清自銅崖遠來見訪席間道故
何事紅顏棄傳歸扁舟萬里叩岩扉探囊只載三湘
勝矯烏將從五岳飛日月尚堪憑彩筆風霜不復妬
荷衣空齋下榻歡論舊莫向人間問是非

李戶曹過訪

津門何自入方舟只似山陰過子猷緩帶驚投明月
壁倒樽拚典赤霜裘川雲欲雨仍殘照籬菊無花已
暮秋愧是盤中鰕菜薄論文竟日且淹留

同李戶曹鄭少參泛舟夜酌

一水如雲繞曲隄千山雨過野烟齊新成画舫君先

至旋覓香繆手自携靜夜魚龍驚鼓吹中流星斗燦
玻璃莫言風景殊襄野酣極還如七聖迷

家四兄過賞叢菊芙蓉

芙蓉爛熳菊初英
及蕊含輝巧自擎
對酒不殊陶令
宅憑軒如在錦官城
零霜未老清秋景
落日相看白首情
華萼並堪持獻壽
何須江上采蘭蘅

月夜汝真載酒邀泛雙谿中醉賦

別館長筵樂事饒
更乘明月汎輕舠
雙谿曲抱青山
落萬木紛迎白露凋
浦口漁人喧鼓泄
雲中仙子過吹簫
醉看波湧星河動
直擬憑虛上九霄

登九官山四首

拄杖尋真去漸遙
彤雲片片起山腰
金函隱約朱陵闕
貝闕氤氳絳節朝
古蘚平封雙劒石
懸泉直瀉萬山橋
關門喜遇黃冠子
指點仙宮在碧霄

其二

天闕清都紫氣賒
萬山靈勝盡仙家
登壇旋拾金光草
軟水曾吞日月華
見說至人能羽翼
總留遺像只烟霞
由來九轉非真訣
葛令虛傳勾漏砂

其三

獨躡飛巒御八風
迢迢萬里一冥鴻
神仙樓閣虛無

裏吳楚山川指顧中問道欲窮三景秘棲玄聊借九
靈宮真師白日騎雲去天路人間咫尺通

其四

積翠凌霄俯四荒故宮營自晉安王名山終古留真
氣羽客何年返帝鄉黃鶴似迎芝蓋轉綠雲偏映蕊
珠光總知人世如蒼局那得逢仙七日忘

過徐思敬文學隱居留贈

爲問南州高士里谿頭古屋峙群山非綠素業妨干
世自抱丹經學問開禮俗尚因前代朴烟霞穩傍此
閒臨風却笑雲邊鳥兩翼低垂始倦還

皮子謨明府六十詩

駒隙駸駸六十過半生清樂酒邊多投閒久自忘軒
冕念我頻能叩薜蘿元亮晚謀千日醉士衡先唱百
年歌謾從華髮驚遲暮銅狄還堪共汝摩

莊則勸至自薊門得大司馬張肖甫書併詩喜
而有作

有客傳書自朔方開緘咫尺憑雲翔朱絃絕響誰堪
繼白首窮交總未忘見道還城休甲馬可知元老是
金湯新詩累牘遙相慰病起微吟一舉觴

喜肖甫司馬還部

伏錢功成四嶽推登朝不忝 聖人知捷書蚤自龍
城獻羽葆新從鴈塞移人座共尊樞密府諸郎分握
綬雲司異時朋輩俱淪落勲業看君獨鼎彝

送呂孝廉北上應試因懷其兄儀部

臘盡春生雪未銷西風一騎美人遙曾聞繡虎驚詞
苑坐見攀龍翥 聖朝鄉國親朋爭倚玉天衢伯仲
好聯鑣玄成宿業看家孝母忝當年汗竹標

歲暮喜程孟孺至

雪後江天歲欲除美人何自叩幽居相逢笑語重巖
下不忝神交十載餘埽竹旋開高士榻染毫驚覩客

卿書郊原漸動陽春色莫遣樽中栢葉虛

歲暮何仁仲冒雪見訪賦贈二首

一騎衝寒雪滿裘到門猶似兔園遊林花寂寞年垂
盡樽酒徘徊與未休鄉國詞人尊屈宋聖朝通客
擬巢由醉乘明月歌招隱不羨山陰夜放舟

其二

平臺分手十年過千里招尋又薜蘿海內通家誰古
道尊前玩世且狂歌關山不礙遊踪遠風雪其如野
興何永夜論文偏感慨古來騷賦楚人多

送張叔見赴武昌

張君爲政樂如何請聽漁陽桑麻歌仕楚十年輿論
定望京千里帝恩多雲邊鳳詔銜金墮江上熊車
振玉珂爲語自公多暇日好憑黃鶴醉烟波

邢子愿少叅期訪予山中予出富口遇之舟中
夜酌同王行甫方仲美程孟孺賦時子愿督漕
赴淮

急雨驚風暗楚天長江穩下使君船嚴程已識浮淮
遠高義何嘗訪戴逵詞賦千秋名下士追陪諸客飲
中仙樽前老態婆娑甚那敢重操白雪絃

同諸子餞送子愿

柱史風流天下奇旋從吳楚覓新知

前子愿按吳嘗訪元美今及不

仗意固有屬也

自嗟衰晚無能事却恐交歡是夢思千里舳

艫飛輓急一樽風雨峭帆遲浮雲岐路天南北握手

江門問後期

爲仲和王孫詠繡球花

小花春深景漸添淡妝猶自勝穠纖同心巧結流蘇帶簇錦紛垂翠羽簾幸不乘風飛作雪豈應奔月化爲蟾含情似解憐公子入夜浮光滿步檐

○○過韓上舍元祥宅留宿席間有贈

古木扶疎蔭石門清谿屈曲遶山村圖書奕世儒林

重冠蓋前朝錦里存訪舊曰雪留下榻追歡叢菊佐
開樽明朝蠟屐凌仙躋萬仞烟蘿好共捫

九宮山下遇故人熊衛道邀飲席間奉酬兼憶
其兄履道進士

卜居好在萬山中旋學餐霞傍九宮石瀨遶門絲竹
沸雲屏遮席畫圖工百年此會期難再盡日爲歡與
未終携手偶然論往事不堪池草怨秋風

春日同兄孚可郊行過劉甥以雲讀書處因贈
雨霽郊原百卉穠招尋緩轡出前峰山藏白屋雲初
起花擁青氈日已重千里金臺虛轡裏十年珠海困

驪龍渭陽甥舅風猶昔斗酒相過豈浪蹤

同向葵卿呂惟烈登王母山作

並馬衝泥入萬山爲耽名勝遠追攀誰聞西母乘鸞
降不見周王馭駿還想像瑤池三島外虛無玉佩有
無間神仙窟宅遊非偶且倩霞觴一駐顏

同向葵卿侍御張深甫尹聽伊向仲純李懋呂
惟烈諸文學過普濟寺小飲限涼字

結駟重來古道場花宮蘭若半荒涼群山隔水浮空
界雙樹蟠雲表上方白衲分泉供煮茗青衣拂鼎倩
焚香諸君欲結東林社莫道淵明是酒狂

貞吉過訪

遠乘高興發南州
念我能携五老遊
風雨不辭津路險
薜蘿深叩石門幽
名山是處容逋客
野服何人辨列侯
却憶論文章浦夜
低回白髮轉生愁

爲貞吉宗侯壽其太夫人七十

五色龍光帝子居
編爛輝映玉容舒
進觴松柏齊稱壽
觀樂公卿盡避車
客擬瑤池西母頌
家藏金簡上元書
承歡不藉忘憂草
蘭桂如雲集廣除

張伯常使君枉過北園

衣冠飛蓋指平林
爲叩幽栖入逕深
石擁繁花開野

席池涵綠竹洗塵襟十年穩就墻東卧千古誰憐澤
畔吟向夕湖雲將雨過更堪移燭坐論心

拜呂相國祖墓同葵卿作

王母山前淑氣回松楸鬱鬱掩泉臺名村不忝尚書

里卜兆應鍾王佐才華表雲中金鳳出

金鳳山名辨即塚案

香天上玉魚來百年已幸無樵牧何事孤猿向夕哀

葵卿同深甫聽伊良玉仲純季懋載酒送予石

壇寺

幾日淹留醉不辭清樽又向法門移登壇蘚積繡經
石入竹泉鳴洗鉢池豈是優曇花未現常令舍利種

成疑人間去住都如幻白社誰從惠遠期

姚伯寅見訪坐中談養生家言因贈

入夜江關度客星朝來高士訪林扃心傳抱朴求仙訣
手錄扶桑大帝經解道三田收大藥曾看五嶽露真形
慚余尚有樽中癖安得從君謁紫庭

暮春園中獨酌有懷行甫仲美

一從京國罷鳴珂十載丘園野性多不信人間無洞府
居然裏據山河巖芝足雨甍充饌徑竹含風解和歌
二仲不來春事盡強持杯酒醉烟蘿

五月一日諸友人及兒壻泛舟湖上觀競渡遇

雨復晴卽事有作

平湖一葦破浮烟忽有風雷震遠天雨過雙虹帆外
落雲開千嶂日邊懸前津競渡歌聲亂曲岸迴橈飲
興偏欲弔靈均何處可清流萬古自湘川

五月七日王行甫至同徐應時北園小集二首
大江新漲極天迴天際孤帆挾雨開下峽似驚神女
過懷沙應弔屈平來故人荆楚誰詞社垂老乾坤只
釣臺入眼葵榴狼籍甚與君何惜盡餘哀

其二

五月江寒風雨多郊居何意遠相過驚風鶴鶴巢深

鹿巖洞續稿

卷之九

十

樹得雨蛟龍捲大波九曲澗懸新瀑瀉百花亭擁濕
雲羅繫舟來往津途險携手那能不醉歌

雨後同應時自北園步過高陵橋觀漲

積雨初收野漲平湖光千頃蕩孤城危橋倒曳殘虹
卧列嶂分銜返照明浪起魚龍翻窟宅天空鶯鶴近
蓬瀛乘流好問河源去不借張騫貫月名

同熊維遠徐應時孫以道暨兒無忌泛戎湖作
水闊天清暑氣消長風瞬息過輕舸泉懸萬壑爭飛
灑浪撼群山欲動搖石壁雨痕留谷口洞門霞彩簇
峰腰推蓬面面皆奇賞莫怪諸賢得句驕

大水入城志憂二首

五月淫霖蔽太虛城中橫潦決脩渠襄陵復似堯時
阨弔水應傳魯使書闌闌朝看成海市蛟龍夜闢入
民居衡門寂寂無人叩只據匡牀學釣魚

其二

西來江漢日湯湯積雨兼旬潦轉狂南隴須臾開大
壑北園飄忽坐橫塘驚心萬戶趨沉陸束手三農盡
望洋聞道長安猶閔旱董生虛自擬災祥

維遠應時累日問詩而詩日益進因與吾兒結
社通真觀予嘉其志賦此贊之

十日山園興未終，怪來詩律醉逾工。
登壇牛耳盟初定，出匣龍淵氣正雄。
迓暑忽辭河朔宴，思玄深入太清宮。
誰言雅道非吾黨，江漢由來大國風。

夏日丘謙之俞羨長見訪北園

六月郊居已閉關，白雲偏妬野人閒。
朝來有客能排闥，卧起披衣與看山。
花覆石林垂爛熳，樹藏烟壑瀉潺湲。
浮槎晚傍峰陰繫，可似吳中消夏灣。

酬羨長

吳楚江山片席移，相逢那得是新知。
十年意氣懸歌辯，千里風烟擾夢思。
竹裏披襟煩暑破，峰頭把酒暮

雲馳留君且醉君休訝何處操絃覓子期

荅君霖王孫

君霖蓋同謙之羨長遠來見訪行次九江以
他事趣歸意怏怏甚也因賦四詩遣人相訊
予感其意爲七言一律荅之

老病滄浪一釣磯江天風雨客星微美人南浦遙相
憶命駕西來奮欲飛不見旣橋過漢水已傳消息到
林扉潯陽豈是山陰道僊怪王猷興盡歸

荅宗良

宗良將同羨長見訪適有內顧不果行詩來

相念深也是用來體賦答

揚帆欲截九江來三徑烟光爲汝開埽竹旋除高士
榻移花拚接故人杯豈緣家難妨清興獨握新詩歎
異才見道遠遊情未已秋風應下豫章臺

舟送俞羨長至謝公墩小飲即事得迷字

樓船搥鼓風淒淒客子長征江路迷急雨橫驅萬里
過洪濤猛壓群山低買檣維杳避深樹漁網逡巡收
古隄把酒邀君且酣飲別言未竟林鳥啼

湖上餞別張使君

疊鼓鳴笳川霧開川頭父老重徘徊即看遮送樓船

發還似喧迎竹馬來浪激寒飈侵短葛山縣細雨助
深杯亦知西去非長別輟棹中流未擬回

中秋前一日何王二大夫同程文學携酒北園
見訪即事奉酬

山郡聯鑣出大隄移尊宛轉叩幽棲石林松桂森相
映煙徑藤蘿曲自迷飛蓋凝臨韋氏曲泛舟如入武
陵溪無端戀客清秋景壺嶺峰頭月漸低

荅王太古見寄

秋盡鴻書到未遲江楓搖落遠相悲無家屢負浮湘
約念我先傳望嶽詩

太古詩我南嶽歌

旅食半生成浪迹布

饒饒洞續稿

卷之九

三

衣千里定交期
武陵溪口桃花水
好逐漁郎去
莫疑
蒼袁履善見懷

自恨東遊不見君
開城虛復悵離群
興來千里山陰雪
愁絕孤舟楚塞雲
海內風流看漸盡
林間消息阻相聞
不知九鼎功成日
一粟金丹可更分

酬歐楨伯見寄

積雨南天瘴未開
鴻飛萬里一書來
懷人卻問浮湘路
來書約遊南嶽故云縱目應登望
漢臺江介秋風高
伏枕海門潮色壯
街杯兩都攜手論文後
光景其如短髮催
暮秋偕應時惟烈與兩兒陪三雅言侍御登川

上樓有感

水郭秋殘木葉飛，登樓遷客劇思歸。
看雲興藉新菊，酒怯雨寒生舊賜。
衣俯瞰東流，悲濁世間憑北斗望。
彫闌漁舟泛泛，烟光暮，不解人間萬事非。

送向侍御葵卿赴京待調二首

抗疏虛投白玉簪，賜環那得老雲林。
殿中曾被巡行詔，闕下猶懸侍從心。
頗怪青蠅污璧巧，翻令驄馬避人深。
一官何處重懷牒，曼倩由來許陸沉。

其二

一解都門繡斧歸，行歌時自狂烟扉。
故人天上書頻

至遂客山中願復遠策風雲還紫極重瞻日月拜
朱衣臨岐卻念滄浪父舊社蕭條酒伴稀

王唯晉以使事暫還南海贈別

百日山園醉未休何當歲晚別滄洲薄言嶺海勞王
事無柰風霜劇客愁明主賜環恩不薄孤臣請劍
淚難收相將萬里趨徵召無復周南感滯留

冬日園居歸道人偕覺長老過訪

歲晚郊居寂不譁客來方外訪烟霞叩關已識真人
氣入坐疑臨大士家杳眇中宮藏九鼎炎蒸火宅辨
三車野夫何物堪清供旋拾枯松自煮茶

歲暮王使君以酒資見餉賦此謝之

萬山風雪擁茅茨臘盡寒深有所思正惜酒錢貧不
繼那知官俸遠能移微吟若待江州使僵卧偏逢洛
令私旋買屠蘇供歲節分甘門客與諸兒

何仁仲北上過我北園賦贈

何郎氣欲吞雲夢海內名家況父風詞客縱橫誰伯
仲綢光明滅定雌雄梁園雨雪驚相問楚澤蘭蘅悵
未同北去好馳千里足黃金臺在五雲中

甘露園爲仁仲賦

古木陰森僻徑開旋移花石遠層臺林稍露下呈仙

唐詩淵源
卷之八
三
堂池上涼生照客杯擬從王猷看竹去便尋商皓采
芝回題詩且寄登臨興縹緲烟光七澤來

寄沈箕仲提學

薊門曾結布衣遊手握明珠尚未投總道一鳴驚絕
世還如百戰取封侯豫章千葉扶霄漢龍劍雙文直
斗牛大國掄才須哲匠異時通籍盡名流

久雨乍晴廬同美同韶黃思質思貞徐應時携
壺過訪席間作

百日淫霖黯未開山堂四壁總莓苔凌晨乍覩雲峰
出薄暮欣聞酒伴來卻爲傷春憐老病非關問字

樽罍呼盧且傍花前醉
隔宿陰晴莫浪猜

爲吳國賢明府悼母

萬里瑩瑩灑血歸故山
何處覓慈憐可憐烏鳥恩中
絕只恠青鸞使已稀秦隴
愁雲虛結綬湘臯病骨強
勝衣春深慘淡護花色
猶映西堂舊斷機

爲國賢悼二樓

嗟君重抱德宮悲似欲
招魂向九疑蒼莽孤原風習
習白楊雙冢露離離卽
看鳳詔旌賢日更憶牛衣對
泣時長寢百年都一室
何人獨笑鼓盆癡

園花漸落意懷張
伯常使君時使君在鄂渚

江天積雨晝陰陰病起看花思不禁四顧郊原生黯
淡一時紅紫漸銷沉春衣欲典供沽酒石榻新除擬
抱琴鷓鴣洲前烟浪闊飛帆何日向雲林

送呂惟烈赴粵西應舉

垂老偏於半子親名家累葉綰朝紳論才不忝稱經
笥比德居然是玉人揚玠爲世季讓署自稱經笥衛寶爲衆多輔署時號玉人
去病雙毫簪桂嶺便携三策對楓宸由來宅相非凡
品蚤識乘龍氣色新

李憲長伯玉招飲襟江樓同賦

鱗山突兀抗飛樓隔歲重登興未休天爲封疆開鎮

靜人從江漢擬風流
望盡何處孤雲隔
卽景移時八詠收
南北災祥殊不定
何前落日總生愁

過斬留贈李伯玉憲長

問君何事下燕臺
楚部東南重鎮開
戰艦縱橫飛組練
寧符日夜走風雷
江湖漸起澄清頌
帷幄今思將相才
最幸滄浪垂釣客
也從樽俎一追陪

奏訪樊山王昇甫園居

委巷幽居類遠村
綠雲新覆薜蘿門
藏身穩藉一丘足
玩世都忘千乘尊
自灌芝田供藥餌
旋支丹鼎鑪
乾坤相過不必陳
樽俎共飽雕胡且細論

漢陽徐使君招飲不赴詩以謝之

郡城如斗別山前江漢爲池兩練懸風雨晝迷歸客棹鶯花春滿使君筵和歌虛擬同高調抱病方將飽晏眠靜聽波間漁父曲獨醒寧惜古人憐

送漢陽汪文學赴黃州別駕

移官一水片帆東卻信談經術未窮南紀西陽俱勝槩青氍黃綬總儒風才名轉自遠時見賦筆偏於平古雄老驥猶然千里足鳴鞭何慮不騰空

江上逢瞿充國孝廉贈之二首

弱冠登名世已稀天門八翼遂驚飛十年家難垂漂

泊四海交盟定是非才起一毛終載筆病留鷄骨強
勝衣相逢欲結忘年契豈料生涯老釣磯

其二

黃鵠山頭竝繫船論文深夜轉相憐赤心許國尋常
事青眼通家四十年祖德尚悲遺研在童名應藉續
書傳 清朝秘室須良史不數江鄉二左賢

五月三日同敦甫惟烈停舟陸谿口觀競渡

陸谿溪口八龍飛破浪縱橫赤羽揮見道湘纍猶可
弔由來楚俗未全非中流伐鼓喧層漢隔岸爭標搶
落暉客子繫舟憑玩弄興來呼酒醉漁磯

同敦甫惟烈登嘉魚赤壁祭風臺

峭壁橫江氣尚雄居人能說破曹功
山延赭色疑殘火臺倚青冥想舊風
形勝三湘天下險興亡千古夢
中同移尊一縱登臨興舊柳片飛濤震遠空

洞庭湖上別壻與公久愴然有作

洞庭波色晝陰陰南盡瀾湘接桂林
炎雨忽傾兒女淚亂雲偏結路途心
不辭故土移家遠爲念貽謀相
國深一水中流分短楫幾時江上有鴻音

大司馬方公宅留飲道故二首

一解貂蟬下

帝京旋旋江渚結鷗盟今看羣鼎銘

動伐猶使蠻夷頌姓名垂老謾同清世隱追歡不減
素交情深盃長夏都忘倦卻訝須臾病骨輕

其二

江上新營司馬里舍旁小築紫薇亭可知地主遜人
世不遺臺官問客星花石數行雲錦麗莓苔四壁雨
痕青相看白髮垂垂短欲解扁舟且復停

岳陽樓望洞庭

巴丘南望水雲空幾點青螺浴鏡中日月浮沉三楚
盡乾坤消息萬流通風飄玉簫來仙閣浪湧金沙出
渚宮白首重遊心更壯坐收元氣反鴻濛

泊舟城陵磯羅中丞國華携具見訪

釋褐同朝四十年浮沉湖海竝華顛歸來總抱煙霞癖
悵望能無涕泗懸客棹逡巡雲夢曲君山蕩漾酒樽
前相看乍喜先愁別倚醉聊成感舊篇

邵中丞世忠邀飲黃鶴樓

五月風湍氣欲秋千山涼雨一登樓飄飄黃鶴仙人
駕漠漠蒼烟處士洲地割雙城分險扼江吞九水接
天浮誰知開府延賓日舉目猶懸萬室憂

時楚饑公
有憂色故

陳新之梅伯陽張公觀三孝廉宋載道郭美秩

二文學各携酒散邀飲金沙洲門人郭仰甫陳
伯珍徐伯高在焉醉而賦此

夏口歸舟尚滯淫江干猶自有知音千門楊柳金沙
市四坐賓朝玉樹林歌舞樽前悲老態烟波月下起
長吟明朝掛席東流駛回首青山感別深

登晴川閣同公覲孝廉賦

大別東頭漢水橫層臺高閣暮雲平數峰天外洪山
塔萬頃波中鄂渚城飛跽欲窮吳楚勝放歌聊寄古
今情惟應磯畔垂綸者人世風濤總不驚

哭丘謙之二首

解綬歸來日
款款孤蹤其柰遠遊何
鵲鴒原上哀呼
急鸚鵡洲邊涕泗多
門客定誰收散帙
老親無計起
沈疴風流刺史名
猶在萬事乾坤一逝波

其二

闕下傳詩意
頗珍林間索酒更情親
那知跳笑三湘
日遂損遨遊
五岳身白社雲霞驚改色
青樓花月總
傷神親闈不少垂堂戒
未老何當託鬼鄰

王使君招飲夏口驛

子城南而八分山
萬室參差一水間
艤楫正妨津吏
開樽偏遇使君閒
天回雲夢登樓盡
宴罷干旄擁

月還說劍論文悲老大虛令紫氣燭天關

弔朱方伯

虞廷岳牧漢通侯乞得青山卧正幽垂老不禁妻子
淚無官偏隱廟廊憂相憐隔水書頻到獨恨長生願
未酬玉鏡山雲鉅鱗月一天寒色鎖松楸

江行還過富川門作

東風飛席度江關百里津途瞬息還隔樹殘霞蒸積
水近城疎雨過前山菰蒲遠近漁歌歇鷗鷺浮沉客
思閒乞得病軀眠正穩不嫌無夢入朝班
得祝隨州耳劉書志感

隨州先君子子謂故爲汝南太守與余善詩故有感云

鴈使慇懃自漢東多君高義古人同由來翰藻緣家學況復循良有父風思舊那知吳越遠得書猶擬夢魂通少年儒術堪鍾鼎卻足趨庭不朽功

劉州牧文英過飲

接席論文憶少時彈冠畏路轉支離歸菊老倚窮交但酒卮倦鳥深棲應竝穩言遲劉年六十已後始得二子故云爲憐朋輩凋零甚不辭

謝叔蒙少叅携吳求叔黃懋約黃

成詔三山人

遠來見訪留集草堂分得恩字

乘興遙過五柳村呼兒烹鯉旋開樽
看來綠髮猶仙氣乞得青山自
帝恩高卧直增詞筆健同遊翻藉
布衣尊慚予老健無長技只好前
驅爲負轡

酬叔蒙見投之作

蒲首東來五百里炎天辛苦問幽棲
符輿高並穿巫峽桂棹迂同入武溪
事去總知身是幻老來何意手重携
清尊未罄詩先就卻信才名倚馬齊

李伯玉憲長奔其父中憲公喪北歸
詩以弔之鎮靜荆南幕府開社獸多
自義方來回看北斗縣親

舍忽漫西風慘夜臺京輦交游爭作誅
江關部曲總含哀可憐愛日心先折無復斑衣效老萊

奉寄元美司馬

枕石空同臥正高安車何自入蓬蒿還
去鑷白寧辭報主勞九鼎東南偏王氣一區龍虎
自神臯總令萬國休戎馬未許留戾辟穀逃
奉寄大司空子彬吳公

瘴海樓船百戰回天顏每向捷書開
清頌何忝三朝將相才奉詔光分玄武
鳳凰臺緘書咫尺秋鴻便穆穆清風江
上來

奉寄大宗伯廷善姜公

憶君曾解進賢冠虎觀龍墀赤日寒卉服遂堪遊太
古蒲輪何意走長干身依日月承恩重志在烟霞請
老難自是儒臣諳述作能令千載見周官

朱秉器方伯自黔中遣使見存併示佳稿賦此
報之

飛鴻何自一書來萬里西南天地開玉面幾時成邂逅
瑶篇入手恣徘徊聲諧似奏中和樂色秀先驚黼
袞才爲問虞廷咨嶽後非君誰與詠康哉

寄劉子元中丞

憶自函經徼外傳相看意氣一時偏穿城溪抱中丞
里繞砌花明上客筵萬戶朱樓懸夢寐百年華髮悵
風烟知君久謝蒲輪詔穩向東山枕石眠

寄許子恒少叅

湯沐恩深漢故宮拂衣何遽隱墻東都亭未損埋輪
譽郢甸常思攬轡風岐路倉皇逢按劍乾坤消息委
亡弓猶聞有詔求巖穴莫向清時怨道窮

寄汪文化廷評

君家臺榭倚高丘每從群公結駟遊玩世雲霞歛枕
落宜人花石側樽留有時想像迷三徑何處招携問

十洲江上采蘭逢驛使寄情翻動遠天愁

卽事有感再荅彥吉

有客緘書涕滿眶憂生無計被灾祥傷心萬戶游魚
鼈何處三吳問稻梁巨浸久迷河伯望颶風特助海
神狂耨鉏漸化爲矛戟猶說東南是麗鄉

詹事周以方先生輓詩

虛憑吐握夢周公 卹詔俄傳自禁中五夜星輝沉
赤管三吳霜色冷青楓行飛羽葆 東朝賜出載輶
輶上相同十字碑旁堪樹冢重泉猶挹古人風
鄂渚逢李參軍克蒼有贈參軍盖以比部郎建

言謫也

江上行歌遇謫仙
昂藏不受世人憐
芙蓉闕下班初
散杜若洲頭賦已傳
豈是朝廷疎直諫也
應湘楚借才賢
君恩况自無遐邇
萬里猶瞻尺五天

送何子安別駕赴平涼

佐郡重沾帝命
新秋風飛蓋入三秦
可藍山外徵兵急
羌水河邊轉餉頻
萬里風刀懸漢日
幾時關塞絕胡塵
征人夜唱涼州曲
且泛蒲萄一放顰

其二

尚說君公惠政多
遷官其柰去思何
不辭棧道連雲

險更傍長城積雪過近塞羌兒秋飲馬臨關漢士夜
橫戈輜中坐授犁庭策肯許西戎再乞和

徐母彭孺人七十壽詩

兩世城東接比鄰異時瓜葛且情親鄉閭久自推賢
淑井曰何曾厭苦辛庶下賓儀閨闈範膝前經術廟
廊珍阿家況是錢鏗裔卜筭寧知幾百春

登道士山絕頂

斗削孤峰半入雲平湖列嶂遶氤氲天空絕頂攀躋
險日落中流紫翠分片石飛來成羽士千秋拱立迓
元君凌風欲跨茅龍去不羨人間鹿豕群

甌顰洞續稿

卷之九

三

王若思使君自武昌擢江西兵憲奉送二詩

郡閣高風宛素絲推遷已過陟明期東門楊柳深含
態南浦帆檣遠繫思旌引豸衣雲鳥避匣韜龍劒斗
牛窺醉臨彭蠡聞秋鴈感舊能無一賦詩

其二

憶枉詩篇累牘勞幾從樽俎醉江臯俄聞漢殿傳三
詔遂向鄱湖擁節旄憲府風霜開重鎮樓船金鼓疊
飛濤公餘且下南州榻何客還如孺子高

奉荅郭大參見懷

時駐辰州

萬里懸心十載餘從天忽下酉陽書懷人詩句疑含

淚畏路風濤悵卜居歲去幾時還語笑月明遙夜獨
躊躇湘沅自古多蘭芷采采何言臭不如

再答朱秉器二首

萬里論交意獨深頻繁信使走雲林青萍解借豐城
色綠綺懸流太古音一鶚雲霄高振翮雙魚江漢遠
通心知君不淺山陰興何日能聽澤畔吟

其二

青年抗志老無奇古道新聲客浪疑世路三朝虛
轍迹詞場百戰莽旌麾明珠敢謂囊中探流水應從
絃外知把酒論文殊未偶先憑尺素寫襟期

校閱乘器詩再贈二首

拂案陳詩累百篇探奇不復記衰年光芒迴逼天門
度鋒刃頻驚武庫懸材挺豫章寒日月書藏玉笥吐
雲烟誰言刪後無風雅古道南州待汝傳

其二

兩都詞客動紛紛病卧山中總未聞掩耳自甘長辟
世操絃何意遠逢君毫端八月飛晴雪几上群峰疊
錦雲西指黔陽千萬里夢中携手不能分

中秋夜徐應時邀同瞿伯明熊惟遠對月作

病起婆娑強着冠美人佳節更邀歡月臨初霽風偏

靜天入中秋露已溥萬里星河垂戶牖千家砧杵動
江干秦姬解奏清商曲宛轉留賓坐夜闌

送范玉穎使君再入覲

漢廷新下黃金詔一日齊安穎渤同治行已憑輿誦
采姓名常在宸屏中重趨玉帛朝元會更奏農桑第
一功總被君恩留侍從百年江漢飽清風

送黃州李郡丞考績北上

九年三奏虞廷績豈是君恩緩陟明不厭黃州供
淡薄已看青簡重庶平雲瑞盤蹈冠裳會江上追鑒
父老情顏駟白頭猶遇主如君何忝拜公卿

陸司理在過北園小飲有作奉和

八月山園暑未除
仙郎何自枉軒車
風巖桂樹香初合
露井梧桐影漸疎
石外停樽看舞鶴
池頭弄笛起潛魚
醉來多少題詩興
欲截重林萬竹書

景德寺訪祥公二首

穿田曲曲繞重山
爲訪高僧石室間
絕澗懸從空界落
前峰宛抱法輪還
可知觀世元無相
誰道安禪別有閑
松桂蕭條人語寂
塵心也共白雲閒

其二

金山寶樹鬱崔嵬
棟宇前朝幾劫灰
地號千秋延福

土

千秋名

花分五色雨香臺雲招野老尋幽過石訝生

公說法來永夜梵音清夢覺中林猿鳥亦徘徊

寄懷朱君玉太常

海畔棲遲二十年更披蠻霧視青天可知耆艾三朝
重不忝恩光九列偏佳氣氤氲開絳闕古音清越被
朱絃江雲漠漠人千里一水橫將別思牽

郭文學命卿過訪有作賦和

東風夜送涉江船遠叩巖扉意氣偏季子豈能真識
樂景純曾自賦遊仙群花別圃霜初落一榻高齋月
並懸十日平原君莫羨枯魚濁酒信留連

故人鍾子禮過訪留醉

皓首逢君憶少年交情不與世情遷
辭完自許相如重金盡仍知鮑叔賢
過眼風塵都入夢驚心歲月且開筵
當時故舊今誰健莫惜留歡徹曙天

送伯常使君入覲

江干飛雪映朱輪父老依依長吏親
治郡清風那可再論文佳會苦難頻
驅馳北道趨青瑣縹緲中天謁紫宸
見道循名收秘史豈應虛積漢家薪

送隨州牧祝耳劉入覲

燕臺高竝五雲霄計吏寧辭北道遙
斗極夜懸鳩鵲

觀風旌曉發驢驢橋循良太史書名郡玉帛殊方集
聖朝知汝新傳郢中曲可能天上吐簫韶

寄劉吏部中吾

幾年江漢挹清風千里車裘謁帝居阿閣自應巢
鳳鳥僊班猶復序鵷鴻秋深宋玉悲難賦分遠山濤
札未通天部從容天北極含香只在五雲中

聞任白甫中選京闈喜而有寄

卧起驚聞北鴈來蹉跎郭隗竟登臺名成不忝雙金
重氣定還如百戰回伏闕上書千象緯平津開閣引
詞才論文故國慙知己笑指燕雲一舉杯

送張孝廉孟端應試南宮

西粵張郎自父風青年六藝已身通
今看雨雪途仍
國豈是天人策未工驅馬重過三輔道奏書先入五
雲中逢時白璧應無價燕石紛紛莫漫同

笥中所藏諸故人詞翰積累四十餘年而蠹蝕
散逸者過半偶從暇日蒐閣尚得數百篇述感
通心陳今詠古卽片楮隻字亦多嫻婉可珍誠
不忍其終漫滅也因詮次成數十卷置之案頭
每一披玩恍若再親其人蓋又不勝今昔之愴
矣爲此詩志之

誰道離居遠故人手披詞翰墨痕新
林泉久破三朝夢篋笥猶藏萬鎰珍
爲憶交情增感慨漫憑書法見精神
須臾四顧心千里何處山川非所親

舒給舍崇孝奉 命典試粵西事竣還朝賦送
一律

八月南天擁傳回桂林新購栢梁材
舟將太史浮湘過節似張騫貫月來
萬里琅玕輸越絕千金駿裏上燕臺
只今 宵旰咨民瘼疏艸應知灑淚裁

吳省元敦之將上南宮過我山園言別

太史掄才獻楚書一時經術重璵璣
朱絃久擬登清

廟彩筆新簪向石渠海內爭傳豪士賦雪中能叩野
人居鉢亭水石堪留醉未必離愁更破除

吉甫宗族輓詩

予偶泊舟金沙市吉甫携壺見訪自謂相慕
數十年今始一覲歡罄平生盡醉而別歸賦
二詩見贈至夜無疾而卒異哉

泛泛孤舟避客停偏君載酒出江江那知邂逅成今
古遂訝乾坤屬杳冥感事欲傳中壘說懷忠未著左
徒經交期白首渾難盡可惜泉臺一夜局

送吳汝震遊梁

七十昂藏未倦遊梁園故舊遠相求囊擔雨雪行徧
壯華染雲霞思獨幽但使夷門留重客不殊漢闕取
封侯河橋執手言長別杯酒那能破遠愁

立春日步過通真觀登獅子山野望作

以下已
世底

臘盡陽回雪漸消江村梅柳未全驕雲深古觀尋春
到天畔靈山騁望遙千澗瀑懸蒼玉峽萬峰晴擁赤
霞標俄聞仙館笙歌發獨鶴臨蹕下九霄

春日聞蘄春寇警寄顏子良憲副二首

正好含舖詠太平隔江何自有兵聲春郊慘淡犁鉏
緩野堞倉皇鼓角鳴見道幾人爭赴死偏令萬室劇

憂生豈應將吏無能事漢主虛懸白馬盟

其二

山隧忽聞豺虎嘯大江南北揔深憂荷戈衛士仍饑色躍馬材官定壯猷盤據一隅須直搗漸成三窟費深蒐庸夫病卧重巖下敢向轅門借箸籌

奉荅樊山王聞黃梅寇警見寄之作

帝子何當有戒心江關雲日晝陰陰苑邊春色遲朱邱城外烽烟近綠林無力上書求自試有時抱膝起長吟稍聞都護先輕敵徒使居人慮轉深

劉元善至自太原喜而有贈

不見劉郎十二年
重逢猶喜未華顛
風塵北走移家
遠雨雪南還
訪戴專乘興
尚能周五岳
接歡疑復在
三川衰邁生事
無勞問穩向
雲林枕石眠

蘇軾洞續稿詩部卷之十

武昌 吳國倫 著

檇李 馮夢禎 校

七言律詩

以詩代書寄王明輔方伯

明輔與予別自嘉靖庚戌迄今四十年不再晤而予老矣偶友人劉元善自明輔所來道其近况佳甚因悵然爲此詩寄之

綠髻燕京散玉珂
各天垂老問關河
三千路阻孤雲外
四十年從一電過
夢寐虛勞牽晉楚
歸棲猶幸遠

風波那知有客傳佳況入夜翻增別恨多

寄題王明輔桂子園

桂子山中別墅開青林卻是手栽培登高野色迴三
晉習靜天香落五臺逕僻揔無驅馬客雲深誰訪卧
龍才思君擬結淮南社不及蓬蒿二仲來

西瀾觀泉作

九畹堂臨九曲泉分流脉脉灌平田溪莎細繞雲根
出徑樹斜侵石骨穿天關靈源供洗耳雨餘幽籟入
鳴絃濠梁潁谷應無異一軟能令萬慮捐

哭熊惟登處士

幾度扁舟叩隱淪暮年杯酒更情親溪山尚自供遊
客松菊何堪失主人潦倒行藏身是幻須臾今古迹
俱陳亦知泉下無遺恨顧影蕭條獨愴神

送丘郡丞赴秋浦

捧檄迢遙益部還稍聞宣力靖諸蠻看來骨相風塵
外合有勲名霄漢間車騎新馳三輔道郡城紆徬九
華山漢家徵拜誰高第未必龔黃不可攀

金都閫丘郡丞過飲北園作

有客方舟赤壁來山園無約萬花開松間舞鶴驚飛
蓋石上鳴泉促舉杯敢擬蘭亭修禊集似從桃水問

津回婆娑未

盡登臨興秉燭那聞夜漏催

寄懷黎

君華大叅

時駐饒州

海上兵戈悵

別時廿年携手夢中期山樊病骨憑誰

問天部才名

遇

主知坐擁湖雲招五老行披嶺露

拾三芝飛鴻

咫尺音書斷一水那能不爾思

宿永壽

寺

寺在鳳皇山下古刹也

三谿曲遶鳳

皇山百里停舟暮叩關古殿峻嶒丹嶂

外禪房宵窺

白雲間銜花野鹿馴堪狎聽法潭龍杳

不還午夜人

天空萬象枕邊清切響潺湲

贈堪輿

家李生

有客來從司馬里遊談穩藉青鳥經葛陂杖撼山神
走梧野珠看王氣停掌列群星分大塊圖懸五岳辨
真形相將荷鍾從君步醉殺猶然是獨醒

聞王伯岡舉進士志喜兼寄乃公元美司馬

王家龍鳳自門中儒術流光累葉同白練遙升司馬
里彩雲重現大明宮彤墀珥筆年初壯紫陌看花賦
獨工竹帛異時傳盛事同朝應設御屏風

卻麟武司理請告扶持太夫人還吳賦此送之
六月樓船下楚關美人何事急東還君恩不淺分
名郡毋病常思在故山縱使千鍾懸咫尺誰能一日

解編爛挽輿親率慈顏喜何用浮名宇宙間

饒汝順茂才過訪席間論文作

江帆晝曳火雲來石室高眠夢始回奇字虛稱楊子宅治安重見賈生才看來玉樹迎風秀肯惜金樽冒暑開解道詞林尊屈宋登壇不遣世人猜

寇巨源山人過訪因贈二首

少薄江鄉走帝京詞場俠窟徧知名詩篇每挾關河壯劒氣時干象緯驚躍馬悲歌橫吹曲解貂留醉狹斜行歸來卻叩飢甕子一日烟蘿萬古情

其二

燕京口傍酒人遊，猶有詩名動五侯。
北道烟花供飲枕，邊城鼓角助悲秋。
還家未穩江村卧，念我能尋石戶幽。
古調國中誰屬和，多君意氣晚相求。

再贈汝順

誰道逢君白面郎，操觚擬角萬人場。
頻年隔水懸相望，累日論文喜欲狂。
辭力似能宗二左，風襟不忝在三湘。
炎江暫去休言別，更約清秋繫野航。

荅劉寬伯見寄時寬伯歸自秦中

汝自秦關下楚關，寄情何處不名山。
毫端二華參天盡，句裏三湘伴客還。
立馬雲烟開壯麗，停舟花鳥狎

嫋嫋秋深一鴈橫江度爲報懷人空谷間

袁比部鳴岐謫佐吾州朱數月量移雲間別駕
詩以送之

漢室袁安起法曹何當懷牒滯江臯除書蚤下分黃
綬宦業終看振珮刀白苧城臨東海壯蒼龍闕並五
雲高壯游不比長沙謫清夢遙應戀主勞

張伯常以州守入覲遂擢比部員外郎寄此
爲贈

五馬驂驛上赤墀都人驚問及瓜期由來郡國親民
重不是君王召拜迎委珮晨趨丹鳳闕焚香宴坐

白雲司萬方災疹勤宵旰想見情深起艸時

聞王元美擢南京刑部尚書有寄

白首彈冠侍故宮盛朝文物二京同刑兼五教周司
冠秩近三台漢上公郎吏分曹宣主德寰區拭目
覩仁風由來鐘鼎名家業不獨文章一代雄

其二

一官垂老帝恩優閱盡乾坤萬事浮槐棘森臨玄
武水江山曲抱景陽樓天邊聽履聲仍遠海上懸車
意未酬見說年來偏好道幾時能訪赤松遊
贈門人徐應時教諭天長

丹陛晨辭出玉河儒紳偏藉主恩多經從太學新
分席秩向中都更設科王國諸生清廟器帝鄉千
古大風歌南宮射策終能事莫以寒糴歎轅軻

中秋夕還自江上舟中獨酌

靜夜微風送釣船群星點水月中天江寒蟋蟀鳴相
傍露下芙蓉老自憐獨酌豈堪酬令節狂歌聊復遣
餘年歸帆漸近滄浪浦千尺明河枕畔懸

贈王將軍中夫

弱冠爲儒齒類官胡然應詔出臨戎今看躍馬揚戈
日猶有敦詩說禮風塞上飛書芻蕘急軍中行酒

歌雄班生蚤負封侯骨投筆先籌不戰功

秋日得姚太僕載思并其子太守汝階書卻寄

一首

病卧秋陰鬱未開懷人清夢轉徘徊關山已分千秋
隔鴻雁何期萬里來白髮餘年驚過隙黃雲絕域悵
登臺君家父子偏高義入素慙勤灑淚裁

門人姚汝階自滇之路南遣使問道卻寄

分符領郡涉梁州天盡西南是壯游風雜漢夷稱貢
遠山連金碧到城幽稍聞異績人爭羨莫道生平志
未酬念我一書千萬里鴻來偏喚別時愁

蔡督學伯華以遊太和南嶽諸詩見示賦和二首蓋予嘗兩登太和而南岳猶在望也

天柱峯堯上帝居金墉貝闕朗扶輿尋真客有騎雲到攬勝詩成掃壁書羽次巧調青鳳曲空香細襲紫霞裾八宮想像曾游景只愧衰年賦不如

其二

聞君振舄衡山顛七十二峰爭造天御氣氤氲通帝座靈苗璀璨長仙田雲開玉宇書重檢石泐朱陵洞未遷不是紀遊詩力健誰移嶽色峙予前

九日張叔見郡丞携壺過訪北園醉賦

野徑蕭疎五馬馳一樽秋色爲誰私言乘九日登高
興來和東籬把菊詩僻地狂歌清世遠晚年愁病故
人知湖雲擁月林端出莫怪山公醉不辭

陳懋修憲使枉駕便邀謝公墩宴集

寂寞巖居枉故人嵩河嶺海夢猶親追陪野外行歌
好慷慨樽前感事新百疊雲峰開郡郭幾家烟樹點
湖濱謝公祠宇蕭條盡大節千秋總未湮

懋修憲使過飲言別

草堂移菊小爲林霜氣遙隨驄馬臨歲月重逢非少
壯乾坤往事亦浮沉山中墨守忘時態物外玄談見

古心造次一樽成漫別明朝岐路黯秋陰

荅陳觀一明府見寄

少壯情親老各天書授空谷轉淒然尊鱸自幸歸來
好蕉鹿何曾夢寐牽靜檢丹經忘歲月酣持彩筆傲
風烟何時策杖過三逕便與同疏洗耳泉

爲何仁仲賦采芳洲

盈盈一水間三洲斷續林亭處處幽浪捲浮雲連岫
聳山銜明月夾城流行歌擬和湘妃瑟坐釣應披漢
客裘滿自芳菲君自采恐驚搖落卽悲秋

顧子敬隆馬折足賦二詩唁之

縱轡何如馬不馴危橋仄石倖存身旋增大道亡
歎遂損中原逐鹿神欲挾飛仙朝紫府聊同臥佛
仰青旻呼號似痛荆庭刑豈是陵陽璞未真

其二

羨君高足少年場何事顛危起道傍一蹶已疑天
地隘孤踪猶藉鬼神匡懸知樂正憂難釋漫說邯鄲步
未強怪殺平原樓上女無端笑颺減紅妝

送大京兆陳玉叔赴金陵

歷盡諸艱髯未蒼新恩重綰玉麟章南都勝槩雄吳
楚左翊威名掩趙張芳甸風花迎攬轡故宮雲日想

垂裳鳳凰臺畔瞻佳氣三象分明帝座傍

冬日得楊天宮伯謙書併有二縑之惠賦謝

懶病無書入帝京故人猶自遠含情金莖御氣連

三象玉筍朝儀冠六卿東帛工如天上錦來鴻低度
雪中聲追隨青瑣都陳迹巖穴何當記姓名

汪象先太學過訪酒間賦贈

象先汪伯玉司馬子以
失愛於繼母僑居廣陵

閩海看君讀父書風塵回首廿年餘常憐愛日心難
盡更訝凌雲氣未舒鼓篋三京瞻勝槩移舟千里叩
閒居茅齋寂寞聊呼酒入夜群愁爲鼓除

華文學惟東枉過小飲醉而成詩

童年接席老離居客路參差倦曳裾三徑寂寥身竝
健孤舟來往興寧虛山妻倒甕供新釀稚子擎盤進
野蔬醉語綢繆歡轉劇白頭何異納交初

華民部信可奉使過里見訪道故酒間屬贈言
蓋余少與其父同業而民部又嘗從吾兒遊也
歷宦清貧華子魚名成人侍紫宸居通家兩世交非
偶報主孤忠計漸紆絕塞風霜回使節餘寒松菊
醉吾廬郎曹亦解稱仙吏多少民艱待上書

夢中得徐應時書寄贈一律醒逸其半因足之

龔龔洞續稿

卷之十

九

誰道儒臣負壯圖雲霄萬里待飛鳬橫經擬造周多
士著賦先宗漢兩都以上夢中句野鹿自便豐草臥江鴻
遙蹴暮雲呼逢時更對臨軒問抱策何慚子太夫

蕭含譽孝廉過訪同惟烈諸客夜集

何物蕭郎擅楚材長松文梓故栽培賦成便欲凌雲
去興發還能載雪來百里明星占客聚幾株寒菊傷
筵開雅歌行酒酣相和千古陽春此夜回

兩兒暨呂婿携具湖上邀同蕭含譽泛舟並以
詩來索和走筆應之

画舫新停雉水灣兒曹載酒共追攀天懸雪意催酬

咽樹繞烟波縱往還漁罟旋收雙燕口郡城斜帶五
龍關衰年漸少臨流興病裡詩成祇自刪

黃思素携酒北園同諸客醉賦

歲晏霜凋木葉稀連翩佳客到林扉長吟日落山烟
起密坐風清朔氣微信步松篁穿鶴徑競分壺榼釣
魚磯滄浪波湧千峰月莫怪淹留醉不歸

送徐治中懋誠北上

使節新從海岱回驅車風雪又燕臺縣看朔氣征途
滿好與清樽故國開入序追陪京兆尹承恩親切士
元才衰年感別情偏劇尺素殷勤北鴈來

夜集贈劉孝廉中局

漢代諸儒重表章傳經誰得似劉郎
韋編學古仍三絕腹笥驚人已七襄
把酒不辭寒夜醉放歌寧避老年狂
異時天上圖書府載筆應分日月光

朱文學斯濟過訪因贈

美人如玉映瑤林況復名家世澤深
白舫殷勤趨問字朱絃清越待知音
酣來不淺論文興老去偏多憶舊心
天路莫須愁萬里龍駒高步已駸駸

旣別含譽憶之因寄

輕潮日繫酒壚前醉裏分携亦黯然
臥病千山飛雨

雪懷人一水間風烟行遊自攬吳鉤壯嘯咏將同楚
辯傳末路知音看漸少調琴今只可向君偏

徐州牧尊公九十重封賦贈

五色褒書下漢宮儒家累葉帝恩隆循良不忝尊
城吏矍鑠誰如百歲翁綠竹風人過叡聖高門世德
起于公如雲冠蓋稱觴處佳氣氤氲滿越東

庚寅元日作

已下庚寅歲

病夫高卧不知春曉起驚看物候新律應三陽回忝
谷雲生五色憶楓宸荒城比屋炊烟少絕塞經時雨
雪頻栢酒辛盤殊寂寞虛從白髮紀生辰

閱辟支巘稿因贈宗謙

有客好文尤好佛飄飄來自辟支巘似聞詩法兼空
色解引禪機別聖凡風雨大江飛白舫烟霞五岳載
青衫予將采藥躋靈島倩尔扶携荷短鑱

正月十五夜諸親友見過同兒婿觀燈醉賦

雪後親朋過草堂燒燈元夕佐傳觴熒熒珠吐摩尼
色片片熬分太乙光火樹忽如開上苑德星無忝聚
高陽兒童解指豐年兆醉殺馮誰笑老狂

胡載道持銅爵一雙自斲水郭仰甫移蟠松四
株自鄂城同日至北園與予爲壽席間乘興有

作

鄂渚浹川並放舟春風無約偶相求到門猶帶烟波
色入坐同依水石幽雙爵飛來爭獻壽四松移植遞
添籌年垂七十無能事虛向樽前感舊遊

燕人李元輝以詩画見訪席間賦贈

爲厭煩囂出帝都縱橫彩筆傲江湖揮來山水成詩
句賦入烟雲即畫圖三徑不妨春躡屐一樽聊與夜
呼盧悲歌自古豪燕趙卻喜逢君調不孤

春日寄李本寧大參時駐大梁

春來雨雪暗江門何處登高望兔園千古湘沅哀未

甌甌洞續稿

卷之十

十一

醒一時蒿洛道誰尊愁心欲寄迷關路病骨垂枯卧
水村南北災祥君自見定紆長策挽乾坤

荅尹從伊文學燕中見懷

躍馬看花走上林猶然飛夢楚雲深流光荏苒三年
別尺素慙慙萬里心末路尚懷和氏璧高臺誰贈郭
生金五陵年少矜遊冶只可新詩避客吟

贈形家者徐子源

君家兩世業堪興曾受蔡仙竹牒書望氣每成樓閣
狀掄星先燭斗牛墟少年雙舄周名岳巨浪孤舟叩
隱居爲問容棺何處可乾坤今古一蘧廬

韓若韋使君行部過州枉駕小集

江上傳呼畫舫來山城氣象一時開
方張豺虎聞風遠欲槁桑麻待雨回
問俗尚懸憂國淚持危真見出群才
叨從父老留軒蓋掃石移花暫舉杯

寄荅任孝廉見蓀詩

孝廉於不佞未有一面而聲相慕者十餘年
書來謂舟泊九江時夢與不佞迎接甚懼因
賦一詩寄意遂如來體荅之

孤舟旅夜泊潯陽何意神遊過州堂
夢裡關河驚識面望中雲樹阻褰裳
氣憑廬阜諸峰吐情共江流九

派長與發幾時能見戴石懷猶可向君狂

北園餞別華民部仲可還京

江柳如雲繫客舟郊園日共一樽留烟花爛熳縈山
徑竹樹交加隱石樓感事漫談經國計策勲應比富
民侯當歌盡醉休言別未往乾坤總汎鷗

山中聞詔起用大司寇潘公志喜一首

五夜深宮夢帝臣安車遙下雪川濱由來四嶽公
推讓不遣東山遂隱淪菑口豈能傷日月赤心終自
表星辰還朝更曳尚書履海內諸賢盡望塵

馬大叅枉駕北園

問俗春郊春漸深便携春興入雲林鳴鳩舞鶴驚飛
蓋白石清泉待抱琴把酒漫論天下事看花聊稱野
人心明朝遠道懸相憶何處飛鴻寄好音

寄懷王汝平

造次平臺別故人歸來江漢老垂綸浮生萬事捐都
盡感舊孤懷鬱未伸授閒異時工雪月懸車高世眇
風塵素交零落君猶健一字相看萬里親

答李季宣孝廉見寄

江上歸鴻自海門美人書札遠相存何言一水神交
淺已信千秋雅道尊但便持盤分沆瀣便應飛杖躡

甌甌洞續稿

卷之十

十四

崑崙知君尚有浮湘舸擬傍烟蘿與細論

張郡丞叔見五十詩

郡閣朝來淑氣濃丹雘又下紫泥封頭顱未負陶弘

景祿秩應過邴曼容

二句並用
五事

漢闕星辰懸佩紉楚

天雲日度歌鐘樽前客稱仙吏何用深山訪赤松

麥候得雨暫喜

二麥芄芄長漸齊田疇不裹腹望雲霓炊糜無計都懸

釜抱甕何人獨灌畦望縱橫交白骨郊行躑躅杖

青藜東風忽送如膏雨且解千村一夜啼

伯凝仲良叔衛兄弟竝好學工詩文頃以所作

下問而欲執弟子禮非予所敢當也爲賦一律
謝之

文彩翩翩三鳳雛同聲霄漢遠相呼傳詩欲問浮丘
伯作賦應追屈左徒卻媿無能當北面懸看有力竟
南圖洞庭千古聞張樂一水洋洋調未孤

安小范行人迂道見訪酒間賦贈

積雨幽棲過暮春朝來霽色起湖濱誰知天上輶軒
使亦問山中木石人把酒高齋迴氣象論文永日破
風塵看來玉樹非凡種挹露揚輝近紫宸

爲丁元甫給舍哭母

何事倉皇出鎖閤雙含血淚灑萊衣倚門無復慈顏
在捧檄虛沾薄祿歸野色淒迷侵總帳江聲嗚咽到
泉扉低頭搶地腸俱裂忍覩當年舊斷機

爲萬元獻哭母

萬母卒年九十餘
元獻亦垂七十

只怪江雲黯不開慈顏一擲寸心灰鶴歸疑有仙人
弔烏集偏深孺子哀白髮漸看凋聖室斑衣那得舞
泉臺亦知大壑八間少風木蕭蕭恨未回

寄趙仁甫

有序

仁甫初仕爲池郡理官才名甚著尋謫臺使奏
薦累二十餘章偶中飛語議調因自請爲

學官得九江郡庠去池不滿三百里寄此慰之

一日長安萬事新薦書無力謫書神地連秋浦移仙吏天爲匡廬借主人訪古柴桑聊寄傲加餐首肯肯言貧壇前手植明堂柱未必江湖是遠臣

荅程巨源見寄二首

一歲三書問病夫眼中高雅似君無由來父子交非淺念到存亡淚欲枯命駕幾時過郢上看雲何處是天都題詩未寄心先折入夜江鴻作意呼

其二

藝苑驚聞仲子才新篇遙束錦雲來相如豈藉臨邛
重和氏猶銜楚璞哀萬里星河搖倚劒一江風雨過
登臺休言仗策逢時晚白岳靈光待汝開

寄懷吳茂文

憶過山齋叩隱淪兒曹接席更情親論文累日修林
畔載酒無時曲水濱雙屐莓苔登覽健片帆風雨去
來頻江行忽作經年別花石含愁鬱未伸

周明府見訪談玄酒間賦贈

領邑曾聞製錦才驅馳蜀道苦還迴言從張翰乘舟
去復作韓康賣藥來散盡宦資餘俠骨養成仙餌化

凡胎相逢且就高雲飲醉看人間海嶽摧

喜鄒彥吉督學入楚二首

風帆六月海門來憲府清秋鄂渚開張樂擬臨雲夢
野賦詩曾奏栢梁臺定縣高價收荆璞肯使神斤負
楚材見道儒臣優袞職尚方龍錦待君裁

其二

入夢翻憐去楚時一官湖海任推移紅塵客夢驚相
弔白首君恩報未遲雪夜徘徊溪上棹予嘗過梁溪訪彥吉
陽春倡和郢中期看君雅道風江漢勲業何慚帝
者師

再慰元獻

長裾散盡老無津
湘水從來愁楚臣
何處千金能買賦
還家四壁肯言貧
廬居旋受青烏術
墓道時看白兔馴
血淚雙枯腸寸裂
可憐難起大齊人

寄上寧河王殿下二首

友人劉居仁嘗客王所
王厚遇之適爲平道
王仁賢好士因索贈云

桐葉分封地
帝圖晉陽宮
殿古王都承恩擬效三
雍對攝國
兼成六尺孤
丹詔自天優禮數
醴筵長日
盛文儒
登臺奏賦
群星聚何客才如宋大夫

其二

聖輦玄圭金索馳千秋帶礪此山河帝憐西土敦親
重客頌東平樂善多築閣藏書標象緯開園鑿石引
藤蘿山夫不少從遊興欲曳長裾柰遠何

山居秋思八首

水落霜清暮燕空萬山秋氣草堂中衣裳曉裊芙蓉
露戶牖寒侵薜荔風泣路佯狂悲阮籍避堦安穩學
君公澧蘭沅芷紛堪佩千古靈均道未窮

其二

搔首乾坤事事新不知何處是吾真嗟無羽翼能超

世賴有漁樵可寄身
市駿圖中招國士
枯魚肆裏索波臣
逢人莫漫談經濟
穩向荊源去問津

其三

露下楓林動早寒
金飈獵獵蕩江干
空山白首悲搖落
薄海蒼生願治安
三面似開湯網闊
半租曾比漢恩寬
一時多難群公在
且束愁心付釣竿

其四

慘淡秋煙四野橫
千家杆臼寂無聲
休餐只好求芝友
取醉何緣遇麴生
愁坐遠天群鴈起
苦吟長夜亂蟲鳴
亦知老去無多日
一日偏懸萬古情

其五

髮霜前被領垂江天雲日助深悲山戎驟起驚相
旱絡頻年困不支遠戍蠻兵排急難旋留漕粟賑
施移懸心未敢稱高臥白骨縱橫委路岐

其六

野闊風高萬樹鳴紛紛落葉蔽荒城
暮林夜起空懷古草閣朝來一望京見道間闕方痛哭
俄聞江漢已澄清天闔萬里憑誰叩故壘蕭條百感生

其七

朝野驚心造物偏一時綸符萬方傳中原赤日甚嘉

種內死丹靈瑞蓮豈是公陽調不盡未應休麟判
相懸欣聞聖主窺天意非已憂民願有年

其八

病起山園草樹荒霜寒鴈鷺集林塘秋聲在戶誰安
枕世事驚人每斷腸豈乏黃金收騷衷何曾白簡歸
豺狼溝中赤子都秦越莫怪櫬槍夜夜光

邊警六首

只道閒居枕易安俄聞西北點雲寒一時畿輔聲先
震萬卒沙場血未乾有詔徵兵分出塞何人決策
驚登壇犬羊自是無常性力盡羈縻術轉難

其二

見說酋夷款 聖朝長城何處入天驕
洮河萬馬投鞭度右地千營破竹銷
羽檄倉皇馳隴蜀烽烟突兀蔽雲霄
虎牙犀首俱名將百三秦關也動搖

其三

當年和議屬伊誰歲幣前朝悔恨遲
坐見旃裘能倍約行營帳殿欲何爲
虜深入所至輒建行殿 鴟張已漸窺三輔
豕突那曾遇六師亂後稍聞鞭撻計
飛書急爲起瘡痍

其四

朔氣邊聲慘不舒異時功罪定何如五臣親切籌前
箸諸將逡巡戒後車國體未應全市貢軍興頗復疑
樵漁老臣日下憂天淚只莫犁庭議又虛

上聞警親御平臺召見
四輔及大司馬問計

其五

胡笳羌笛亂秋聲一夜天西殺氣橫盟府曾書和虜
績邊疆虛築受降城至尊宵旰重推轂五路間關
遠借兵卻怪年來星象異災祥誰問廣川生

其六

詔下行邊遣重臣天威一日四夷伸千群代馬行空

出十萬王師出塞陳不惜輜車空
內帑但教枹鼓
息餘民功成擬拜彤弓賜一片燕然石尚新

陪黃汝礪使君步拜禱雨即事六首

大旱頻年萬室空使君憂色野人同怪來精稷纏相
厄豈是巫咸祝未工露禱不辭登百鬼暑行驚復覩
雙虹環城雨意山山好只少枝間少女風

其二

旱帽青衫溽暑侵側身無異在桑林懸憑百拜回天
力擬慰三農望歲心埳鵲爭鳴風習習潭龍欲起晝
陰陰晚來踈雨郊原過父老相看喜漸深

其三

一雨初過百卉蘇壇前鳩鵲劇歡呼鞭雷豈必憑巫
史濟旱居然收大夫道路漸寬兒乞食村墟猶怯吏
催租油雲又作甘霖兆何用農書卜有無

其四

火雲飛盡雲升爽氣連朝破鬱蒸不有黃堂心似
水誰令赤地雨如繩及時真借群靈助計歲先知九
穀登高枕北牕涼意足宛然身臥玉壺冰

其五

閔旱傍僮長吏賢老臣那敢縱高眠甘同僕僕經旬

日幸勿噉噉似去季行雨無時沾遠近宿雲猶自釀
連縣欣聞老稚私相祝會有神龍奮九淵

其六

匍匐郊關望未舒叩壇如覩百神居可知七日齋逾
謹實恐三時害不除神女自携雲出峽里巫紛逐雨
隨車連阡舉壤均膏澤野史抽毫可盡書

荅蕭含譽七夕見懷

荒城不雨正憂天有客題詩遠見憐入夢關山雲漠
漠隔河機杼夜綿綿乘舟每憶過蘭水抱瓮虛勞灌
秣田病後稍諧方外理期君何處共逃禪

荅行甫暑中見懷

赤日荒荒射草廬病夫憂旱獨躊躇
三旬不雨苗空秀萬室無煙社欲墟
張口擬分清露吸側身仍傍火城居
柯山竹樹陰千畝羨爾齋心把道書

病中憂旱寄懷郭美命太史丁元父給舍

三伏已盡暑尚偏驕陽失制秋無權
稻梁芄芄委赤地雷電鬱鬱縣青天
揮汗儼自湯泉出解衣疑投火宅眠
側身西望雙黃鵠凌風振翼何僊僊

送景淳赴綿州太守

聞君應詔謁彤闈何事分符下

帝畿卻是三刀曾

入夢能令五馬去如飛之官鳥道詩盈篋懷主轅
門淚濕衣父老歡迎司馬檄也應吾道有光輝

宿石門莊二首

疊嶂橫臨白石居縣泉暗寫綠雲渠單衣竹露防沾
濕短榻松風爲掃除學稼僅供垂老計辟人何用絕
交書年來世事開心少夢裏乾坤亦自如

其二

息駕山村事事幽高眠每爲石雲留巖深不忝棲盤
谷地瘠還如乞癡丘蟋蟀聲中寒漸厲梧桐葉底露
新稠朝來起看群峰色箇箇仙人白玉樓

過呂相國桂峰莊贈其子惟烈

密隴平疇澗道藏尋源深入相君莊山窮不似開金
穴室隘猶然比玉堂遶石千松流古色分林五桂鬱
天香

惟烈爲相
國第五子

飛泉下灌三豐樂爲卜名家世澤長

止桂峰莊友人羅子相潘哲甫携酒過訪

長樂泉源萬石隈山家風氣未全開沙邊石堰唐時
築障外雲峰鄂縣來擬就三農商稼穡那知二客載
樽罍坐看明月秋將半永夜追歡未忍回

贈醫者艾汝秀有引

頃歲里中大疫慘不忍言而獨經艾生醫治

者多全活乃予家子女童僕又以其藥力並
起無一損傷盖有天幸焉愧予貧不能謝姑
與之飲酒而贈之詩云

郡國年來沴癘多群巫虛效古人讎良醫折臂心先
苦疫鬼藏形氣漸和續命豈須調玉鼎回生直似挽
金戈吾家老稚欣無恙且與傾尊一醉歌

閱劉子明方伯詩因贈

病臥孤懷鬱未伸俄傳秀句起精神登壇久擬尊詞
伯結社何當問野人染翰瀟湘千古色品高燕趙十
城珍明堂四闕遭逢偶采得民風好具陳

九日偕黃汝明徵君暨其子思素思貞孫以道

三孝廉盧同韶上舍登石門山作

犀山漫擬龍山勝挾客還宜九日登萬嶺參差星象
列重湖包絡水雲升興來移席攀層石懼極披衣坐
古藤老至尚耽奇絕景甕頭何惜酒如澠

是日同諸客晚過同韶山莊

登高永日興逾新又帶斜陽過比鄰戶外築場登晚
稻檻邊除架積餘薪携樽入竹雲隨客據榻看山石
媚人取醉自今來往熟此中堪與避風塵

思素以道夜過石門莊留宿

石門秋色縱徘徊客醉猶能竝馬來
日落松杉留下榻夜深風雨促銜杯
隣家旋乞萸堪佩宅畔新移菊未開
秉燭樽前狂自喜那知節序莽相催

寄張子發工部頃歲士兒歸自金陵
携有工部倡和諸詩因賦一律寄意

稚子新傳水部詩江關千里若爲私
斗懸劒氣招雷煥風動琴心屬子期
泰嶽雲烟杯面吐金陵龍虎筆端馳
相知何用曾携手展卷徘徊有所思

寄懷玉叔大廷尉

四國經營力尙彊二京風業更輝光
江懸故國愁鸚鵡

鷓鴣山擁層臺弔鳳凰
詞客競趨槐棘
羅莊還朝若過黃龍浦
好爲停橈

府病夫甘卧辟
一舉觴

寄懷張祭酒廷芳

悵別嵩河夢已遙
傳書猶自憶雲霄
頌經幄誰容五鹿驕
南國星辰占戀
待還朝深宮旰食憂
仍劇玉鼎須

講堂客獻三鱸
主中原車馬
君手自調

寄大宗伯王紹傳

闕下承恩領秩宗
陪京軒蓋亦從
東隱走筆曾移海上峰
只尺卿雲分
兩雙龍相看一水如衣帶
那得扁舟

容題書每問墻
五鳳氤氳紫氣
遂往從

夢仲美

千里風烟黯未開
片帆飄忽夢中來
倉皇入坐更相問
慷慨論文總不猜
涉險尚留雲滿面
追歡先借酒盈杯
起看河漢西流盡
漠漠江天一鴈哀

親友餞兒川上樓予亦在坐同賦

別家何事又東遊
爲道桑蓬志未酬
密友情深高閣餞
老親心遠大江流
帆前落葉昏殘照
霜下鳴鴻急暮秋
奮翼風雲須少壯
肯隨流俗負箕裘

重陽後二日與思素以道石門莊對雨遲徐應時不至書懷

朝來霖雨漫荒村老樹浮烟蔽石門擬復登高妨着
屐且便留客再開樽坐侵簷溜衣裳冷起訝山雲戶
牖屯有美一人期不至紫萸黃菊也銷魂

雨中還過雙港橋與思素以道沾飲

谷口村村雨氣迷老人扶杖怯衝泥平田潦下雙流
急廣野雲封萬樹齊班坐石梁舒覽眺呼醪山店儘
提携酣從二客歸迷暝渚鶯林鴉已盡栖

上藏得石門山風氣頗聚書贈堪輿傅生兼示
兩兒

潦倒乾坤景漸殘將管尺土待容棺奔來石勢雙龍

護結向天門四象蟠且爲兒孫寬遠慮敢因陵谷侈
奇觀錦囊消息慙生氣恰好逢君擲杖看

胡民部奉使臯蘭主餉適有虜警賦此問之

才子名高漢柱題幾年端笏待金闥俄銜手詔分仙
署獨將輜車出隴西萬虜深秋驕飲馬三軍中夜起
聞雞轅門借策今逾急莫道龍庭不可犁

冬夜酌載道

千里冬歸計未成又衝風雨過山城窮途有子家難
就晏歲思鄉夢屢驚長夜且須傾秫酒異時那得共
尊羹樽前晚菊凌寒放白首相看豈世情

載道思歸不得酒間作此慰之

荒齋木榻故人留永夜寒燈話未休十月風霜催短景千門砧杵亂窮愁江楓落盡家仍遠寒鴈歸來淚漫收濁酒似能憐老病醉眠應夢五湖遊

方金吾惟光自魚嶽過訪北園

錦帆千里截江來一日山園氣色迴高義總能存故舊貧家何以侑樽罍林楓歷亂經霜盡砌菊蕭條傍雨開片片寒雲湖上起醉乘餘興且登臺

酒間贈惟光金吾

少壯才名起漢都二帝恩親詔執金吾瑯戈扈蹕千

言從王勅清望七叔呼況有世勲銘太鼎更紆長策
贊黃圖爲憐潦倒通家更遠叩山堂醉玉壺

羅汝立茂寸過訪

江行辛苦自西梁千里風波問艸堂一片野雲隨客
到幾株寒菊爲誰芳白魚紫鱗供竹蟹疊石飛泉助
舉觴歡極不知遲暮景放歌猶復向君狂

呂惟謨中翰過訪

別君江上十年餘却喜承恩侍帝居擁傳俄聞將
使節迂車猶復叩吾廬異時搔首真成夢累日論心
勝寄書松菊未荒人漸老相看不醉欲何如

席上贈呂伯敬茂才

儀部佳兒相國孫少年經術自專門孤帆入楚津途
遠三世通家禮教敦桂嶺星河懸倚劍草堂烟雨坐
開樽毫端漸吐風雲氣冥海應看六駟騫

冬日齋中

閒居無愧北山文環堵蕭蕭水石分寒菊未凋應待
雪新松漸長欲干雲琴樽竟日宜佳客藥餌衰年伏
細君最是一匡堪自老隔牆車馬任紛紛

雪中程汝正吳茂文過歛

雨雪連綿朔氣深草堂寒色晝陰陰風花歷亂飄銀

海凍樹低垂，燦玉林。歲晏轉驚人，老病徑幽偏。喜客
招尋園，爐旋熱牀頭。酒一醉，聊傾故舊心。

聞瞿伯明泊燕子口，收息鹽舟旬日，不得竟冒
風雨而歸，戲題嘲之。

幾日郊村客，屢稀燕。天風雨暗，荆扉虛疑。范蠡遷陶
過，忽似馮驩賦。薛歸側足，衝泥寒刺骨。析薪篝火，夜
燠衣不成。見戴乘何興，漠漠江門雪亂飛。

寄李左史先榮

少年天植豫章材，入國翻增匠石猜。世路風塵趨黷
淡，王門日月且低迴。浮湘縱覽山川勝，賦楚仍含屈

宋哀見道能憐空谷叟幾時乘興涉江來

送徐
蘄州擢丞吳郡

江干父老泣續紛遮道無能借使君財閣已看鸞鳳
集紆籌曾散犬羊群湘川画舫移晴雪茂苑春花簇
錦雲吳楚封疆分一水治平消息好相聞

歲暮
送西賓林以蘇還臨川期以明年再至

白首新知老布衣那堪歲晚忽言歸二年賓館同星
聚千里江帆帶雪飛路入鍾陵鄉語近天寒彭蠡鴈
行稀當博且訂重來約計日來春風拂絳幃

送求
叔遊金陵

草堂卮酒歲寒情雨雪何當又遠征千里風江衣帶
水三山天塹石頭城東南佳麗非前代王謝風流自
舊京結客遨遊春正好白頭慈母憶歸程

聞方寅初歸耕遇旱無以自給爲此詩唁之
遊俠歸來意未伸家無儋石恥言貧離居分與時人
遠學稼情偏野老親石戶耰耨差近古莘田頌讀且
藏身那知赤旱無遺穗只抱農書歎苦辛

李比部克蒼謫楚三年不調作此慰之

以下辛卯歲

一疏批鱗萬口傳荆南留滯已三年舟航轉借風濤
穩肝膽常依日月懸霄漢幾時飛鳳詔斗光終夜觸

龍泉逢人每下憂天淚擬抱忠猷奏席前

丁元甫給諫枉駕山居即席並賦

十載重過舊州堂
聖中冠蓋鬱輝光
雨收山郭春無恙
月傍樽罍夜未央
痛飲且寬長別恨
悲歌偏縱老年狂
風烟萬里迷青瑣
猶自因君想玉牀

再贈元甫

元甫爲其故孺人卜地于吾州之九龍山掘得石穴藏之其事甚奇因有此贈

鄂渚尋山下
雞來不辭驅馬歷崔嵬
地縣文子瑕丘
樂天與滕公石櫛開
隨杖九龍蟠大壑
近人雙鶴弔

玄臺文峰壁水完佳氣爲破潘郎萬古哀

玄覽閣爲開美宗侯題

舍旁高樹擁山樓萬里烟光入坐幽縱覽欲窮雲夢
景長吟偏動古今愁清樽竟日宜賓客短榻中天伴
斗牛世外已多仙隱趣不知身是漢通侯

梅泰符東歸賦此勉之

文脊山迴氣象偏名家累葉盛才賢衣冠闕下輝相
映詞賦林中業已傳

梅氏昆仲九人
著有林中集

之子少年懷白

璧逢人何處理朱絃下惟肯厭儒生苦三策終應奏

御前

周穀仲使君邀飲留贈

百粵遙廻五馬車青蠅那得玷璠璣塵機早息甘違
世歲序都忘老著書漉酒欣同狂客醉論心疑與古
人居浮雲萬態須臾盡俯仰乾坤一太虛

李憲使招飲襟江樓

絕磴危樓俯大川登臨攜手故人憐鴻洲浪湧三湘
雪鳳嶺晴飄萬片烟懷主夢魂依瑣闥提兵心膽
壯江天停杯試問中原事南北風塵異昔年

席間留別李憲使

戈船甲馬聚如雲鎮靜江關藉使君持法漸消狐鼠

氣先聲已破犬羊群相看俎豆情如故卻惜風烟手
易分一水東還林卧穩衰年何以報殷勤

春日偕程萬里司載文遊顏子山歸飯長慶橋
作

挾客行遊春正長敢言筋骨老猶強三峰突自雲霄
出萬石紛如鸛鶴翔古樹含風吹絕壁縣泉分溜瀉
平梁肩頭裹飯聊堪飽莫惜班荆坐道傍

送劉子靜北上

憶識劉郎弱冠前南冥風翮已翩翩登名擬奏三千
牘待詔俄驚十九年夕曠星縣京國路春江花擁孝

庶船排闥謁 帝心仍壯會有勲勞竹帛傳

送黃國英封君還海寧

五馬驂驪五鼎豐猶然野服寄高風暫來舟楫湖南
景歸去絲綸海上翁對酒珠騰蛟女室行歌花遶越
王宮年來好道無機事矯首仙源咫尺通

雨夜同呂惟烈集吳別駕署中觀牡丹

高齋風雨夜留賓秉燭看花信有神國色依稀蓬島
近霓裳綽約蕊宮新當歌未暇分更漏劇飲何曾問
酒巡佳會無多心賞足不妨交晚自情親

北園飲美命同賦

薛荔門停太史車春深無徑喜新除
撫松陶令驚相迂看竹王猷興不如
雨衆群花驕水石雲披萬樹爽
禽魚酒酣携手狂歌發似有遺音徹太虛

清明夜泊龍平寇
巨源見訪同程萬里小飲時
雨久江漲

江上清明雨未收青青二麥總無妖
孤帆夜泊魚鰕市九水寒侵鴈鷺洲
遙峴踏歌狂客至短蓬呼酒故人酬
明朝欲攬廬山勝卻怪濃雲不斷流

題程氏虎谿書院

有序

程之先蓋以封國爲氏至南陳祖昌守隆興

路因徙家新建之瑤塘去許僊飛昇處僅里許尋於家西建幾麟書院以延四方學者入李唐後其孫必果必簡兩進士又拓而新之改鐫虎谿閣今垂八百年子孫尚能世守未艾予所交程雲則隆興公三十六代孫也因述祖德索題於予予謂世家名蹟海內罕所覩聞爲賦是詩遺之

一卜瑤塘幾百年豫章猶自紀先賢前朝賜姓公侯族勝地流風竹帛傳古屋松杉常蔽日鄰家雞犬解弄天到門千仞西山色組豆光輝可並延

次湖口何幼隣明府招同張進卿侍御登石鐘山絕頂作

水亘長天接二孤山橫峭壁鎖江湖濤聲震撼洪鐘
應石勢飛揚曲磴扶吳楚中流分勝槩兵戈前代此
雄圖丹梯歷盡青冥合萬里雲烟倒玉壺

同張侍御伍明府過飲陽港別業

江畔新分一水斜數峰迴合自山家沿堤柳吐黃金
夾滿徑藤縣紫玉花看竹低回停蠟屐聽泉清切過
浮槎惟來不復論賓主競取餘觴醉落霞

寄趙良弼尚書

江漢樓頭視水師陽春園裡和新詩百年何處重携
手三楚于今有去思北斗尚書天象近東山太傅客
星知四方多難厯宵旰未是留侯辟穀時

同山甫登天柱閣

一柱峰高刺遠空西來雲氣此樓中山緣漢主登封
重鎮自高皇駐蹕雄萬室參差銜落照千帆飄忽趁
長風大江天險分南北樽俎今縣保障功

泊中新河東大廷尉陳玉叔

老大江行豈浪遊交情今古獨含愁高齋自傍蒼龍
朝短棹虛停白鷺洲偶對群山舒感慨誰從六代擬

風流推蓬月起滄波外多少羈情付野鷗

金陵遇李元禮梅子馬吳泰機賴元復卜詔之
志尹李汝正諸通家邀過靜海寺賞牡丹時士
兒在列同賦官字

龍江屈曲抱龍宮詞客招携白社同淨域菩提標法
界雕闌木藥吐芳叢移樽不厭狂相狎和曲翻慚老
未工醉後只疑真佛現天花片片雨晴空

段水部招飲靈石軒

師子山頭古剎縣空香不散蔚藍天斷峰飛作繡經
石法雨分爲卓錫泉末路風塵增萬態靈軒卮酒借

三緣招遊莫漫嗟遲暮悟得無生卽少年

李見虞侍御招飲靜海寺方丈道故

回首嵩河夢屢牽重逢好在白門邊
津亭執手人如昨野寺開樽興更偏
月上青鴛留密坐夜深驄馬未言旋
憐予短髮凋垂盡猶道維摩病易蠲